

封邱縣志

王廣慶題



民國二十六年丁丑

封邱縣志

潘炳麟題



重印封邱縣志序

吾邑壤地褊小絕長補短僅僅不足百里然而河滎洛北爲大梁屏蔽有民人焉有社稷焉有禹貢田賦高下之不等而職方生殖多寡之或殊焉苟無登記奚以垂後此方志之所由來也吾邑志書不知創修何時自明嘉靖而萬歷而清順康續之者屢屢矣然自此以來又二百餘年迄今不脩咎將誰職適值省垣通志館成立來文遞催於是敬約三五同人商議進行惟脩新志必資舊志迺吾封舊志幾經黃水板已化爲烏有現在卷帙存者實罕多方搜羅僅得一部而字跡漫漶不可復識繼於縣北王村王氏家簡得一部字仍缺而

不全賴有謝允府李性軒兩人細心耐勞各執一卷朝夕對校或此有而彼無或甲斷而乙續參互攷訂始窺全豹然猶有夏五郭公之類魯魚亥豕之訛無可稽莫能辨者不得已迺付之闕如以俟後之博學達才如褚少孫束廣微其人者出其有餘補所不足若小雅南陔諸什大學格致兩傳周官考工記一篇使其書亡而不亡缺而不缺此固諸同人所崇拜禱祀以求者也至於原文則如國門懸書難可增減一字不過證其錯誤令可句讀而已安敢僭擬古人哉茲者書已脫藁勢將付梓未印新文先鋟舊編諸同人屬序言於不佞故不揣樛昧書數言於簡端略爲述其緣起云

中華民國二十六年六月十四日邑人黃蔭併序於封邱縣志館

開封府爲纂修誌書以備典要事蒙

河南布政使司信牌順治十五年三月二十八日蒙

欽差巡撫河南兵部尙書兼都察院右副都御史加二級賈 憲牌前事照
得各府州縣之有志也其所紀載不越提封四境之中而實能備

國史之所未盡猶大宗之有小宗焉猶江海之支流山嶽之嶮阜焉不可廢
也中州夙稱文獻名邦高賢輩出其于典故載籍必所素重昨據該司呈送
通省府州縣誌書僅四十六種其餘各屬咸稱兵燹之後蕩然無遺就其中
新經纂刻者止汝州永寧數處此外皆係勝國舊編而于近今之事者俱付
闕如及今不圖恐世遠言湮老成凋謝後來雖欲從事勢必更難擬合通行
急爲修纂爲此牌仰本司官吏文到即便轉行各府州縣凡無誌者速宜網

羅舊章博求稗乘敦禮耆英開局裒輯其有舊誌而未載近今之事者或有
雖經翻刻而因陋就簡不諳史裁者亦須多方採集更延名碩訂正務使缺
略咸輯今昔備載修成先錄清稿呈送本部院披覽諒此不朽之垂人人自
有同心也毋得遲違等因到司備行到府蒙此擬合就行爲此帖仰本縣官
吏照帖備蒙憲牌內事理卽察該縣無誌者速宜網羅舊章博求稗乘敦禮
耆英開局裒輯其有舊誌而未載近今之事者或自雖經翻刻而因陋就簡
不諳史裁者亦須多方採集更延名碩訂正務使缺略咸輯今昔備載修成
先錄清稿具文徑送

本部院併送本司本府披覽諒此不朽之垂人人自有同心也慎勿遲違速
速須至帖者

右帖下封邱縣准此

順治十五年四月

日具

修志姓名

總裁

巡撫河南兵部尚書兼都察院右副都御史加二級 賈漢復 膠侯滿洲籍曲次人

李及秀 公愚順天玉田人丁亥

李粹然 君煥遼東遼陽人戊子

李森先 林枝山東掖縣籍平度人庚辰

提調

布政使司 左布政使 徐化成 文侯昌平籍滿洲人丁亥

右布政使 桑芸 笈雲山西榆次人庚辰進士

按察使司 按察使 馬燁曾 親陽浙江平湖人己丑

分守大梁道左參政王來用 行子遼東人

分巡大梁道副使沈荃 釋堂江南青蒲人 壬辰

分巡睢陳道副使遲日震 口口遼東廣寧人 貢士

專管通省河道水利兵備副使加一級徐必遠 寧安江南江寧人 己丑

管通省糧儲道副使兼左參議武攀龍 蘭若山西交城人 丙戌

提督學政右參議兼僉事朱廷瑞 增城江南歙縣人 丁亥

管通省清軍屯田驛傳鹽法道兼潁川潼關衛等處防河事務兵備僉事程漪 箕山順天大興人 壬午 西永豐人

督理

開封府知府席式 竺來陝西咸寧人 己丑進士

錢綸 口口直隸元城人 拔貢

同 知口口口

趙汝斌 再都山西岳陽人
選貢

張爾翮 先陝西富平人
拔貢

通 判侯幼鉉 鼎玄北直南皮人
拔貢

推 官于紀龍

較梓

封 邱 縣 知 縣 余 縉 浙江諸暨人壬辰
進士

儒 學 教 諭宗錫印 河南濟源人歲貢

訓 導陳璧聘 河南光州人歲貢

纂修

浙 江 溫 處 道 參 議 李 嵩 陽

廣 西 蒼 梧 道 萬 化

評論

國 子 監 丞 萬 泰

彰 德 府 學 教 授 萇 孕 秀

訂正

甲 午 科 舉 人 柴 薦 盥

丁 酉 科 舉 人 萬 維 賢

恩 選 貢 任 性 鐸

采輯

生

員張國範

張瑚

張楓陞

黃恩賜

常拆

封邱縣志序

余閱禹貢周職方嘗作而嘆曰茲志郡邑者之權輿乎田賦高下之異等墳
壚黎赤之異壤九鎮九澤之異名固臚列而載之至于篠簜篋籥准螾江龜
海錯之纖細則類于草木昆蟲之書而多男少女多女少男之紀則又閎井
俚俗者之談古人何若是之瑣瑣也蓋物有切于利器用阜民生辨陰陽而
藩孳息者固不得以其煩雜而略之吾邑古黃池見于春秋盟會地濱黃河
爲大梁北門其物產之豐舟車之輻輳人材冠蓋所挺生而崛起者洵儼然
一都會也舊故有志出前朝邊太僕公手裁峻而整詳而有體頗有劉向班
固風戍戍秋

賈大中丞慮中州兵燹後文獻掃地慨然以水涑新安自任檄郡邑修輯舊

志加以新裁邑侯余明府諳掌故博稽羣書更延禮諸儒共爲之凡志中所載田賦徭役戶口食貨謠俗河患人物文章源委本末皆侯所蚤夜擘畫故浮文華詞屏去不事獨以其雄才大略之所經營者而登之于籍蓋邑自滄桑後白茅黃葦變沃土爲石田余侯以吳越大儒戴星拮据者凡數載今一切與民經始城池倉庫學宮縣治民廬次第就條理侯蓋以職力用之于治以緒餘見之于志故能自爲一書若此舊志自庚辰後闕焉未備侯爲之撫拾補緝亦猶昔人以考工繼周禮也與余故櫜括其大旨而弁諸首簡使後之治是邑與隸是邑者得以遐覽焉

欽差分守溫處道浙江布政使司右參議前廣東道御史視兩淮鹺務督江南學政邑人李嵩陽謹序

封邱縣志序

夫圖志之設所以記雅故備考衷彰往古訓來茲也古者列國皆有史官而稗乘亦有紀載是以職方之掌列在周禮而地理之志著於孟堅至後世一郡一邑莫不各有專書豈非文獻攸關使後之人一望瞭然煌煌乎巨典也哉封志自明神宗末迄今歷四十餘年其間兵燹相繼陵谷遞遷雲漢之什比歲興歌陽侯之波八載爲患邱墟視城土豚視市荒殘之狀蓋不至澤葵依井荒葛冒途壇罷虺域階鬪騫颺如燕城之賦所能殫述者無論建置淪亡舊蹟缺失而芳風懿行半埋沒於荒墟蔓草中不可究詰已失今不修後將何述致使已事無存大典坐廢不亦深足令人浩嘆乎諸暨余公來令吾封封治久燕公僻處窮鄉數椽茅屋怡然自樂蒞封六載政績丕著每於勸

課之餘招集耆老訪求遺事擬手自編纂勒成一書傳之將來永垂不朽曾
撫軍大中丞賈公敦崇文教下檄郡邑俾各修志以獻公因徵延名碩命領
厥事需以歲月細加定評數越月而書始成迺屬余爲序余於是嘆服公之
識量蓋深且遠也封邑當抗倭之後民困甫甦汗萊如故補瘡救痍尙恐未
遑使非公究心世務博事咨詢而復重以如椽之筆手訂之勞欲以成是書
而愉快也不其難哉由是以觀曩代典文犂然具在後世參考詳悉靡遺彰
往訓來於茲無愧行將補職方之未備孟堅之志想亦不得孤行於世矣

賜進士出身河南彰德府府學教授邑莫人孕秀謹序

重修封邑志小序

封父葺爾邑也田賦物產不逮隣封懸甚而三面頻河土疏惡善潰堤防歲修繕罔竣工日里巷父老調傳云自古無二十年不衝決者蓋中州諸郡邑與河患相終始唯封被昏墊爲尤烈也歲甲午春王月縉以駑鈍待罪茲邑抵任日值河決未塞城汨巨浸中前尹寄處壑落縉卽其地編蓬植籬漸爲規復計顧舊有邑乘問諸水濱則藏版狗逝波矣諮訪故軼數閱月邑孝廉常子奇始以前志相示讀其文鴻博綜練記載有體要爲邑先賢邊南亭先生手輯然宋元以前多遺略不備明神宗以後迄今

國朝數十年間人物事蹟諸閱歷聞見久未纂補又災患代謝之餘故老凋寂遺書散亡歲月愈深則缺略愈甚緡雖悃愫吏日奔走風塵道中無暇瞻當

世作者之堂所撰述焉私心則蹶如也戊戌春奉

巡撫大司馬中丞賈公憲檄令郡邑各蒐羅故籍博訪英賢務求名公鉅章
續入近編以光全志甚盛典也給捧檄卽集僚佐師儒商確延訪次敦請鄉
搢紳先生綜理舊聞參以輿論先揭示五衢俾通邑士民凡有所記識皆得
適館啟告以資考訂雖老隸故卒有一得之陳者咸直入勿呵止庶幾稽古
之餘輔以謀埜矣迺封蕩析歲久宦遊者旣以官爲家皆英數輩亦坐河患
故播遷鄰壤雖造廬請謁不憚往復僅得孝廉萬君維賢恩選任君性鐸及
諸生張子國範等六七日偕宗陳兩學博討論修飾與縉互相詢質卜署
左數椽開局寅醕饌環坐容膝中講貫刪述者再閱月始有成緒而於中歲
月諱字多浮沉良久不可悉辨近賢篇什詞章亦緣期迫不遑廣羅應俟集

腋之成裘始可災梨以問世况吾封蒙

大司馬中丞公曠恩殊德迥異他邑如撤免協濟廩延夫馬重累及供應襄城大兵苦役皆澤被萬室感篤千祀者也奈封民貧瘠吏無城居尙未克勒豐砥志不朽茲事烏容忽諸然則封志雖成猶草創也雖續補舊志猶新篇也將來因人物民俗之盛爲潤色成書計者可不夙秉如椽以竟乃績乎

大清順治十六年歲次己亥四月河南開封府封邱縣知縣東越余縉謹述

封邱縣舊志序

封邑肇自漢然封父黃池三代輿圖有焉悉畿郡也城當五之一面梁帶河越在濕隘土瘠而民羸差繁而賦重然負省郡邊背爲之北屏其間百里天造地設人營物產與夫吏焉生焉遊焉頽顯而增重焉者道可述也往封志四帙已復彙爲二雖補闕飾陋亡殊舊簡又躋疏舛錯莫辨余一日合邑耆舊及青衿子謀曰我等封人卽寓內罔所聞知獨不能言封事昧封民俾後人迷厥視聽乎奈茲舉主裁視令適邑侯翔溟張公蒞封器識淵竑別釐備至尤垂意憲典覽封志謂於邑弗稱乃移子執幣造余廬而請新之并兒輩之靖屬焉其請於邑諸縉紳猶是也繼而少芳王公復蒞封沈鯁多治略力討舊典而振飭之伏命兩侯乃相與掇遺蒐隱繩訛去僞標格屬辭較昔略

備斯亦文事之麤耳昔李吉甫作元和志謂執此可以治天下而江文通則深慨作志之難卽葭爾邑乘置筆惡容易哉乃大取其類次而詮審之畫壑分州先正經界用首疆場揆方奠居式重坊表故次營鳩若乃國毗民民依土土作貢而綏以文教董以官守口於是乎斧德摛藻郁郁盛焉此序次終始也人盡意而體必歸一事攷詳而用期有補增削因其有無勸懲寓之微詞而義則有所未逮蓋擬經附史之過辨之久矣斯志也歲三臘始成篇侯嘗偕計都下輒出示人輒加褒竄凡方志自畿而省而郡而邑及周禮禹貢史漢百家咸摭而斷焉忘其爲箸面也然傳心興起於斯賴焉敢弗獲儻瞻城圉則動整乂之思撫民財則生軫卹之想鯁賢哲則切景行之心嘉藻麗則起博綜之志與夫剖壤建鐸者爛善敗而定法誠令一邑安恬輯睦以無

虧疆場之司則豈有望矣嗚呼遷固作史漢續之猶需後人周小史外史掌
四方邦國志事不無遺藉茲得無過任乎噫巖城霧列合之始成一統徵往
詔來何論一邑與天下及久暫耶篇首增圖置表辨天文於房角之間分地
形於兗豫之界兩邑二侯並麗諸境揭直臣於祀列綴斷例於新編析賦役
於簡額皆余與邑人士鐫入焉而靖爲操觚從事者也揔之皆兩侯隳括裁
成於上蘄垂不泐且並捐俸令之鍍梓而復屬余爲序余曩有志焉而不嫻
於文謹按其故實而直書若此云

賜進士出身中奉大夫整飭密雲等處兵備提督古北四路山東布政使司
右布政使前按察司按察使加太僕寺卿邑人邊有猷撰

封邱縣舊志序

自昔鉅而國細而閭蔑不置史故國言信閭言悖則物地揆教于是鏡而衷焉班氏既以十志易八書別區從類蓋扶輿龐浩之務所斟挹于荃宰而郡邑各具六官朝宗之派金匱合之繡野分之一同踵志所自來矣封父之邑鹵沃相半土中河澹以翼行雀屏北爲蔽猶宋畿也前志遴東撮凡而止竄隆登耗漉焉曾不曙于其故無亦長民者忽焉或邑人士委諸平陰張侯蒞封爬䟽盤盩實百隙禔千釐徵往詔來不欲當吾世而有漏籍乃我浚儀徼天之靈爰得封怙淄川王侯趾媿一切若舉大木前邪後許斬奠之礎以無棟撓考文諮獻用終厥緒罔卿邊公季子孝廉若邑之考雋旁蒐博摭古綆今羅苴挂剔訛若而篇又若而弱而軌蹟條章煌哉大備固以不厭贍而無

軼于體卽務約其遑騁裁侯曰子讀而善之敢請弁不佞唯唯蓋環汴而邑
皆鄭衛墟也春秋周鼎其紐在鄭蟲牢之盟何休謂之備楚後雖脅齊懾魯
猶恃平邱復施以息楚氛而齊晉前驅魯衛驂乘滕薛夾轂而趨吳子進乎
哉君子曰華之辱莫不湔于黃池按牒考之胥封域也力政以還條典午條
宣和彈丸之封奚逃百六蕭丘之火歷陽之浸不嗟蓬艾蟲沙與并盡耶明
興沐浴醲化浸漉覃仁兩戎中有豫三川中有封不啻重深累茵壤翁轅童
庶其覲已兩侯洒濯頤軀惟不洪潤大飶是懼襲乎鼓之軒乎舞之保后胥
戚鮮以不浮于天時世澤綿亘淪肌不朽罔卿合一憲萬輦歸千篋懸車坐
里塾子弟出入俾勤學矜行無扞文法善政善教輪輻相持頃持筆椽彰示
有永凡所損益步墨依繩惇而信志而實史也封民覩此可無忘佑啟徵明

之賜以不昧於祈嚮而庶幾比屋之封則作志至意也按新唐書表云其事則增于前其文則省于舊文膚事幹惡晦而可二語實瑕封志無是憾矣進而求之其或班陳之間乎時張侯名鯉號翔溟王侯名策號少方前後循政具在別方志成復捐金助之罔卿名有猷世所稱南園先生孝廉名之靖蓋便便經笥之裔當自浚而封者也志成僉曰邑言邑郡言郡郡棣邑者也請余拓而言之以誌其概其詳不復贅已

賜進士第中憲大夫奉勅整飭鄜延兵備陝西按察司副使前兵科左給事中侍經筵開封郡人李貴和撰

封邱縣舊志序

封邱志志封邱事也自山川人物之大至制度規畫之周凡可以資政治裨風教者靡不登載酌禹貢職方之例以準今因摠志舊志之略以致詳仰遵一統志法敘事以義表義以文彰別事類立標題加評議綱領提挈條貫分明釐爲四卷爲目凡三十有八其間有釐置之序寓勸懲之法經緯錯綜而端緒具存區別品藻而予奪自見陶鎔變化之機也其事核以實其文約以博其義嚴以正竊取史氏之家法治體斯立風教攸賴可稱一邑志矣封邱當古豫州之地毓中嵩大河之秀有斯實錄以永其傳顧不足爲一方之信史而備觀風之採集也邪是志之作雖不肖忘其蕪陋少附一得之愚纂輯則學諭張君堯弼訂讐則司訓熊君棟黎君近光諏訪則庠生邵子絃輩咸

與力焉義有不可得而泯者因并述以爲序

嘉靖辛丑封邱知縣朱縉書

辛丑秋八月僕領教封邱既視事拜邑侯晴峯先生於庭下先生出一帙以示僕曰此封邱志諸生邵紘輩之所爲者予恐其事之弗核也文之弗工也義之弗精也子其正之吾將擇而取焉又出一帙曰此吾修志要略也子必宗之僕受命惟謹夙夜簡閱核其真僞剪其蕃蕪公其是非事以類別類以文冠篇目多更其舊而斷例悉宗先生之旨間有未備者以鄙意足之越兩月稿上遂命諸梓嗚呼輿地有志王者之制也志貴得人史氏之能也而一時掇拾之見是可以爲志也哉周禮職方氏掌邦國四方之志土地之廣亘古所無而明之一統志卽職方之掌邦志者而淺見薄識欲仰窺其萬一亦

難矣然文有工拙而事無損益其間山川人物土田貢賦則實錄也觀風者按古之所已然而考今之所不盡然者何爲利所當興何爲害所當去則遂因是志之行而百姓陰受其福矣又其居是地者河山不改文獻足徵君子而動其親賢之念小人不忘其樂利之由是又美風俗裨政教之一端也君子其無以下體而廢葑菲云

嘉靖辛丑儒學署教諭舉人張堯弼書

是編舊惟二卷日久錯訛苦不可辨嘉靖辛丑歲零陵朱公來主茲土慨其脫簡偕學諭代州張君招延文士參互考訂越兩月復成二卷遂翻刻以示四方庶幾爲全志暨萬歷甲戌予承命屆此地披閱輿圖以觀文獻見其纂集種種有條未嘗不爲嘉嘆顧駒隙歲更易殆及三十禩其間立功樹猷

際運而興及人品風俗豈皆如昨久無表見任將誰歸於是咨三邑博及一二文生爲續志之竊謂志乃實錄此地負山帶河毓秀鍾靈人物風俗載在舊典已不容喙第恐崛起後時有光前牒如循良徽績保障巨功及科貢節孝與夫營造建置申畫縣境有關政體者不遺巨細悉加登錄俾爲一方信史分綱繫目復成二卷視昔爲備儻觀風者採擇亦可與諸縣史並垂簡篇書完余敘諸首簡亦不自知其爲妄云

萬歷乙亥封邱縣知縣胡以祚書

舊修志姓氏

整飭密雲兵備山東布加政太僕寺卿邊有猷 重修

封

邱

縣

知

縣

張鯉 王策 校正

儒

學

教

諭

郭衛民 劉守讀

訓

導齊椿齡

王視朝

解 臺 參 閱

岳

州

府

通

判李日敬

遼州知州張上澤

河曲知縣范鎬訂正

癸卯舉人邊之靖補輯

生員陳邦卿

邢道充

陳延年

李興唐

慈谿孫應元同輯

萬歷四十三年四月望日

舊志姓名

正德十八年修志姓名

封邱縣

知縣朱縉

教諭張堯弼

訓導熊棟

黎近光

邑人知縣高雲漢

監生孫柱

生員邵絃 劉璐

賈至中高士

范騰蛟 朱祚昌

李得珠 何 稷

焦尙賓 陳王道

李 朴

萬歷二年修志姓名

封 邱 縣 知 縣 胡以祚

教 諭 李尙賓

訓 導 劉 訥

趙希廉

生 員 孫光閔 劉繼芬

修志六則

一封邑舊志文辭典贍體裁峻整未易增損一字今舊文俱錄存於首凡續編者咸加一按字以辨前後

一舊志星野疆里諸條考核詳確無可更議今併圖表皆仍舊貫俾將來修舉廢墜者有師古之益

一舊志記序多前令遷秩稱頌之篇詞甚溢美不敢概存祇錄其紀載實政者永爲龜鑒

一勝國末僚吏師儒多以亂離故姓字鄉貫及遷代歲月皆遺失不可詳考應從闕文以俟補葺

一舊志詩歌詞賦凡於本邑不相關切者概行刪芟以清瀏覽

一舊志各款目俱有摠論今新編不敢重複祇就時事之殊於古者另綴數語
以備稽考恐引證過多類於泛冒也

圖

按周禮辨方正位職方氏掌天下之圖地以劃九州凡山鎮浸澤備載俾觀者一矚較若指掌至班孟堅仰推星列具有州國官宮之象謂其本在地而上應於天蓋天文地理非有二也然言者代異人殊旁稽折衷詎無可據用是因縣舊城圖舊境圖復參禹貢天官等書而增補之益以星野黃河二圖縣治縣學二圖而表附焉封邑上下中外並列錯陳展卷森然可備觀省噫是圖也圖其形也若安攘修葺則存乎其人矣

按修懿萬子曰今封邑尙可圖乎哉封之疆域幾滄海矣土地成荆榛矣封之道路紀蹄而狼跡封之士民飛鴻而鋌鹿矣宰斯土者方皇皇築塞之不暇皇皇招徠之不暇皇皇啟闢建置之不暇其上念


國計下卹民生者劬勞不盡於萬狀安得一日者繪是圖以上獻之我
后乎嗟夫此誠賢者憂時憫俗之言後之披圖而展冊者其亦有感於斯歟

封邱縣圖

壽星角宿之圖



東

北






亢宿之圖

○大角



西









大火氏宿之圖







招搖

東

北






天乳




騎陣將車

南


□宿之圖



鍵閉



西



縣界三十五里

東至蘭陽縣界四十五里

東南至蘭陽縣

縣境圖

縣垣長至北東

北至滑縣

石佛寺

留光集

磨臍潭

雲峯寺

黑龍潭

永寧寺

劉固

崇興寺

龐村集

寶峯寺



八角井

潘店集

吳村

釋迦院

黃陵

平丘

青陵台

裴園

淳于崗

馮村

趙才

薦福寺

留橫

竹村鋪

黃

河

里十五界

南至祥符

封邱縣志

界十三里

柳園

沙

蟲宰

王村

居廟



新峯集

西北昨城

大道寺

南宮寺


三臺寺

史固鋪

清源寺

縣界三十五里

百里萬廟



黃家寨

黃池

演武場

沁河

高家莊

辛興寺

龍泉寺

李村寺

古潭口

觀音寺

報恩寺

應舉鋪

應舉寺

崇福寺

大村集

留村鋪

翟溝口

西至延津縣界三十五里

大王廟

中灤城

荆隆口

荆隆口

河濱得種

于家店

陡門寺

陡山寺

洪量寺

黃河

縣界十三里

西南至陽武縣界五十里


開封新豫印刷所承印

縣城圖

北
瀾澤區屬墳



三清廟




神廟

養濟院




義倉



泰山行宮

東嶽廟




社學

陰陽學

醫學

封縣


封公亭



土地祠



城隍廟



按察司



秦公祠



儒學



陳公祠



縣門

縣門



惠民局




普照寺

馬廠






學

封邱縣志

圖



縣治圖



樓庫

館賓賓

倉

房戶大

房書


宅簿主

宅史典




封邱縣志圖


六

開封新豫印刷所承印



儒學圖





黃河圖

長垣縣

青陵台
青堆

銅瓦廂

馬家口

草廠

古城

董盆口


蘭陽縣

王家口

陳留縣



黑山




大村集

延津縣

古潭口



水驛



河家鋪

鄉官湖

中溧城

荆隆口

河神廟

草廠

于家店

柳園


隋

時和驛

張家灣

姚家店

孫家渡



表

唐虞三代兗州豫州封父侯國

春秋 東周京畿鄭宋陳衛

戰國 魏韓梁

秦 三川郡 東北境

漢 兗州部 陳留郡 封邱 平邱侯國

東漢 兗州部 陳留郡 封邱 平邱

三國魏 兗州部 陳留國 封邱 平邱

晉 兗州部 陳留國 封邱 平邱

南宋 兗州部 陳留郡 封邱

後魏 兗州部 陳留郡 封邱

東魏 梁州部 開封府 封邱

北齊 揚州部 陳留郡

後周 汴州部 陳留郡

隋 兗州部 東郡 封邱

唐 河南道 陳留郡 封邱

五代 開封府 封邱

宋 京畿 開封府 封邱

金 南京路 開封府 封邱

元 江北路 汴梁路 封邱

明 河南布政使司開封府 封邱

大清 河南布政使司開封府 封邱

封邱縣志目錄

卷首

圖

表

卷一

封域

星野

疆里

沿革

山川

形勢

古蹟

風俗

卷二

建置

城池

官署

廟祠

寺觀

倉庫

坊樓

閭鎮

堤廠

塚墓

卷三

民土

戶口

里甲

田賦

土產

物貢

徭役

馬政

兵防

祥災

卷四

學校

殿宇

綸音

書籍

祭器

養田

社學

鄉約

卷五

職官

官制

守令

僚屬

師儒

卷六

人物

賢哲

科貢

封贈

恩蔭

例掾

武弁

孝行

義門

貞烈

技術

卷七

藝文

王言

碑記

卷八

藝文

傳類

賦類

詩歌

卷九

續

記類

詩歌

人物

封邱縣志卷一

封域

稽禹貢及地理志所載封原兗豫二州地控鄭衛韓宋間屬陳留郡在上

古為封父侯國

郡志云夏后氏之世封父亭為諸侯因於封建封父亭

漢高帝封翟母乃置封邱縣尋

析置平邱縣迨漢宣帝又封王遷為平邱侯

太史公諸侯王表曰王遷為尚書郎侍中立宣帝決疑定

策以安宗廟功侯二千戶秩中二千石至東漢國除仍改為平邱縣

封初原二邑東魏始合為一春秋曰黃

池曰平邱曰蟲牢曰長邱皆在境內唐師古曰會在豫州外方之北書曰

河濟惟兗州則封為兗豫二州之地無惑矣墜土四面曠平亡扼塞阻奧

然提封百里周宋皆附京畿密邇會城獨當郡北一面實省會藩屏云

近遭河決城復於隍封父亭翟母墓皆蕩然靡可復考而兗豫之界時切

震隣爲北門鎖鑰計者修陴浚隍以壯屏翰似亦無容少懈云

星野

攷星垣吾封繫角亢而氏房心掾入焉

天官書曰角亢氏房心東宮蒼龍
文耀鉤曰東宮蒼帝其精爲龍司

馬班氏咸謂封屬兗州兗州角亢壽星之次也角亢下繫於氏若木之有根氏又爲天根入房五度入心一度蓋天象的歷盤搏猶野土吞吐糾棼弗可執一論也壽星一也費氏以爲起軫七度陳氏以爲起軫十二度則遼絕遠矣惟唐僧一行本於李淳風之說爲是天文志曰角亢壽星也初軫十度餘八十七杪十四少中角八度終氏二度自原武管城濱河濟之南東至陳留封邱又申光許息江黃諸國皆豫州之分屬大火氏初氏二度餘千四百一十九杪太中房二度終尾六度又曰初氏一度外末尾三度然涉壽星當洛

邑衆山之東與亳土相接爲亢分又南涉淮氣連鷄尾成周之東陽爲角分
角亢於分在鄭於辰在辰房心於分在宋於辰在卯在干戊己中州河濟一
曰戊魏己韓在支卯鄭己衛

蓋自昔言天道者往往互異高辛之前重黎唐虞羲和迨三代而昆吾巫咸
遞衍其說周則有保章氏司天以辨星土察妖祥十二列侯七國繼踵並言
二十八舍十二州斗秉之事然言者凌雜米鹽國異窟穴家占物怪唯唐臯
甘石數家略爲近理蓋天人之際精相盪而類相推一人可以參三才一邑
積而成天下而內史以百里之墟上合星垣爲疑何也間嘗稽輿地圖并諸
星家及先輩劉伯溫清類天文口口口口之自漢興封屬兗州迄今矣先是蓋
屬韓地爲角亢氏之分野趙魏韓

魏斯趙
韓度

實三分晉地鄭之分野與韓同分

故又曰鄭分氏東南接少昊之墟西接陳鄭盡古宋葛商亳之地故又曰宋

分衛成公十餘世為韓衛所侵得其旁邑據為己有而封與焉故又以封與

長垣共屬衛分蓋星列有常而輿圖代變又奚惑於諸說之紛紛也史記曰

宮衛殷中州河濟之間左角李右角將大角者天王帝廷其兩旁各有三星

哲足句之曰攝提攝提者直斗杓所指以建時節故曰攝提格亢為疏廟主

疾其南北兩大星曰南門氏為天根天王布政之宮也正義曰角星為天關

其間天門其內天庭黃道所經七曜所行南為太陽道北為太陰道蓋天之

三門其星明大則天下平賢人在位不然反是索隱曰元命苞云亢為廟廷

宋均以為疏外也廟朝也平聽政之所也其占明大則輔臣忠天下甯不然反

是氏為露寢亦聽政之所居占明大則臣下奉度房心之間有客星出及踈

折皆地動之祥也漢天文志曰天文在圖籥昭昭可知者經星常宿中外官

凡百一十八名積數七百八十三星其伏見蚤晚邪正存亡虛實闊陝及五

星所行合散犯守陵歷鬪食日月薄食暈適背穴抱珥虫蛻迅雷風妖怪雲

變氣皆陰陽之精動於此則見於彼猶景之象形響之應聲君子觀之而寤飭身正事思其咎謝則禍除而福至自然之符也

疆里

封域舊隸陳留或京畿或兗州東郡今附開封皆省會近地也距大河之北去省城僅五十里界古酸棗匡輔夾處其中南直汴梁廣八十里袤六十里然與列境碁牙交錯東西境盡可百里南北七十里故封南郊地便接祥符而祥符地夸河南崑者亦間有封邱其相爲枕藉如此

黃河徙倚不常二縣土田遞南遞北冲淤

無定縣境東止平邱南止神馬西止史固北止居廂

東抵蘭陽縣界四十五里至縣九十里路通杞縣南抵祥符縣界三十里至縣五十里路通尉氏縣西抵延津縣界三十五里至縣四十里路通陽武縣北抵滑縣界三十里至縣一百二十里路通濬縣

東南至陳留縣一百一十里路通太康縣西南至中牟縣一百二十里路通新鄭縣東北至長垣縣六十里路通開州西北至胙城縣八十里路通衛輝

府北至順天府陸路一千五百一十里水路二千八百里至江寧府陸路一千二百四十里水路二千一百里漢地理志曰黃帝方制萬里畫野分州得百里之國萬區禹置九州周建千八百國先王體國經野先正疆域使各有分土無相侵各有分治無相諉也且使人各附於其地以寓內視封固不翅滄海浮甌矣然古聖賢發跡或於一成一旅者有之疆境險易遠邇腴奧天造地設也若夫在圉不宥絕跡千里上應衡鼎接衽千秋則人之爲也匪茲土所能圉也故曰域民不以封疆之界在守土者齊輯而光大之耳

按封雖五達之衢而南距河北聯

畿輔境治不滿百里所暨及者七邑土宇疆界之際類多阡陌混淆兼之河患不常民俗易去其鄉每徭役稍繁則相繼逃逸如棄萃梗撫字而噢咻之

誠不得不深卹厥隱也

沿革

古夏后氏之世封爲封父侯國

封父國後莫知所終

七國入於魏至秦郡縣天下以其

地置延鄉隸三川郡至漢初封翟母始置封邱縣尋析置平邱縣

翟母嘗食漢高蓋仁

母也封邑得名以是邑人可知

漢宣時封光祿大夫王遷爲平邱侯食邑於此後坐受諸侯

王金錢財國除仍改爲平邱縣東漢仍舊三國屬魏晉省平邱入封邱南宋

後魏因之東魏省封邱入酸棗尋復置北齊省隋復置唐五代宋金皆因舊

元屬汴梁路至洪武元年兵下河南縣尹撒銀不花遁去民遂歸附隸河南

省屬開封府舊邑各封阜

昔先王體國經野每覘其人民聚散州境廣狹土田磽确而廢置之前代肇

域既遠地名又數改易舊志載未悉茲復采獲舊聞考迹紀載自周下及漢唐宋綴統分屬彙爲沿革入帙噫嘻封近大河歷代漂沒浸灌者屢矣於大梁南北天塹兵爭搶攘之日又不知幾經培育幾經摧殘也語曰滄海桑田桑田滄海俯仰今昔於斯不能無感云

按封自明代迄今名號疆土俱無改易而崇禎庚辰以後寇亂兵興饑饉疾疫之患封民幾無子遺賴

皇清鼎定生聚稍有起色乃七年九年河患相繼災難異常城池村落悉爲邱墟士民乞活他鄉者什儻歲久雖加意招徠而復業尙寡蓋亦從古變革之異觀也議者欲以封治仍省入別邑或欲以旁邑之地大不治者割幅員以益封二者未審孰是唯俟

當事者詳之耳

山川

黑山在縣北三里曹操斷袁術糧道處

袁術自長垣寇封邱操遣兵斷其糧道於此

魏志曰一名

青山隋圖志曰周太祖改黑山為青山九州要記曰墨子居汲郡採茯苓於

黑山餌之即其地也正當邑坎地平而圓蓋太陰金星也又縣東數十里內

隱隱隆起類此山者甚衆其上禾偏茂以斯知其土有氣蓋地脈所結聚處

也

堪輿氏謂嵩行發脈起伏蜿蜒至此結為封邑城郭

按黑山自前朝故址已湮今城北皆淤成平野即崗陵起伏之狀不可復覩

矣當時丘阜或亦沙土偶聚隆起如廩延沙門一帶土山迤邐不斷者是也

然非嵩行氣脈何以結一鄉之都會而鍾美萃秀乎今欲訪故址而加築之

植以林木俾蔚然森秀雖曰崑嶠小觀實於封城有大裨焉

淳于岡在縣東北十八里每夜將旦岡上鏗鏘似有鐘聲居民始以爲恠後因以爲力農晨興之候

按今河患後淳于村並無岡阜而晨興亦不復聞鐘聲矣晉張華聞長樂鐘聲知蜀銅山崩而車上之鐸可以起水底之鍊意當時岡阜中亦有古樂器子母相應而歲久則靈物漸寢耳

青堆在縣東北三十里地形高而色青故名今建寺

按青堆封俗訛稱也其地值縣之東北卽古志所載青陵臺宋康王築以瞰息氏者耳蓋堆與臺同音而世俗傳訛襲舛不復辨訂遂謂之青堆云今陵谷屢變臺之故墟與連理木鴛鴦塚俱無可復考弔古者恆徘徊弗能去焉

黃河在縣南三十里河南北岸相去十里水色赤水土相半故名黃河源發

星宿海有泉百餘泓方可七八十里望如列星不可偁視羣流奔轅匯為二

巨澤號赤賓河由西鄙東注至大雪山乃岷崙山也始名黃河由岷崙南復

折而北經關提塔刺赤兒之地東北行至積石始入中國書云禹導河積石

至於龍門底柱龍門在流關西底柱在孟津縣南及盟津即孟津東過洛汭洛洛邑汭涇水北過泲水

至於大陸泲水在信都大陸在鉅鹿又播為九河同為逆河入於海九河即兗州東河蔡沈氏曰此北條之大

河也歷代河所歸入或于江或于淮或于海亦無定處其北岸山則王屋恆山碣石也在唐虞夏商時

繞封以北厥後自盟津溢為滌水或曰滌水即翟溝也洪武初河決原武經開封北封

邱南入淮即今河是北道遂絕後又徙開封南朱仙鎮及宏治二年乃復徙封邱

縣南吞沁河溢流為二一自于家店經蘭陽歸德至徐邳入於淮一自荊隆

口黃陵岡東經曹濮入張秋運河自古迄今其滔騰遷變若此而譚者輒曰
覓故道孰爲故道也按伊洛灑澗至鞏悉入於河河出圖洛出書蓋靈氣所
浮灑陰陽祕洩之藪也晉成公綏賦云覽百川之弘壯兮莫尙美於黃河蓋
言河冠百川爲中原巨浸也然合岷崙以南千流萬派歸於一河至汴北勢
益洶湧湍悍而孟津以下諸水皆入於河且土性疏薄岸善崩衝決潰泐石

翹足而待前代至今蓋屢潰屢塞焉漢文帝十三年河決酸棗東潰金堤命東郡大興卒塞之元武帝至大二年秋

七月河決封邱趨東北有復鉅野梁山之意時河南道廉訪司言河當預爲疏壘防護待河決民以被害然後修治勞而無功永樂九年三月命侍郎張

信築濬魚王口中轅城黃河舊岸二十餘里因先是河水累歲決爲患至是乃發河南民丁十萬浚治民皆給米鈔及蠲戶內是年租稅宏治二年河決

于家店又決荊隆口副使張鼎疏通于家店舊河東注運道尙未冲損六年夏六月大雨河水驟溢而荊隆口一支尤甚直潰黃陵岡東經曹濮決張秋

運河復命右都御史劉大夏等塞治之大夏等以爲黃陵岡在張秋之上而荆隆口又黃陵岡潰決之源不可不先殺其水勢遂濬孫家渡四府營賈魯

舊河分其支流乃悉用河南民兵夫匠以方面官分統之築臺捲埽晝夜凡五閱月竹木柴車芻麻之費以千百萬計乃塞河溢口獲成功焉萬曆十五年秋月河決荊隆口河水丈餘夜半突至聲如巨雷直泊城下封全城幾沒水三至凡三閱月乃堰河決口壞民田廬官舍幾盡

按河自明崇禎四年五年復連決荊隆口直趨張秋至六年始堵塞時封城尙無恙至

國朝順治七年決朱源寨封土全滄城不浸者三版邑令宋翔殫力捍禦衆倚以定及九年復決大王廟口封邑全城衝潰水勢由長垣趨東昌諸邑毀安平堤北入海大爲漕渠梗

總河部院楊 偕

河南巡撫都御史亢 親駐決口起直隸大名山東東兗諸郡丁夫併河南夫役共萬餘治之旋築旋決者數載至十二年冬始竣工而封之官民廬舍

蕩然無遺矣蓋兩河土性大率疏薄善潰而封爲甚又河勢高於平地者數
仞隆冬水落則隄岸猶足防維夏秋水漲則數十里不辨涯涘一蟻之穴可
以稽天勢使然也况屢決後南流益淤塞而高北流益卑窪而險河以湍悍
之性乘建瓴而下欲以丸泥束薪立塞波臣之怒古人所云止啼掩口良無
異也大王廟口工成固由

國朝福德深長百靈効順各執事忠勤勞瘁拮据綱繆所致然向使丁家寨引
河不穿先從上游分其勢而徒以萬衆邪許於下流恐糜財曠日更有不可
知之患也然則治河良法終以疏導爲上策而築堤捲埽其下此者耳

先臣邱濟曾曰河爲中原大患自古治之未有能得上策者也漢唐以來馮
遂賈讓諸人言治河者多隨時致宜之策而非百年經久之計乃議築長垣

堤以遏泛溢開淤塞以通東隘遷村落以避冲突給退灘以償所失沿河邑

民稍稍蘇息

按歷來治河之方成敗相懸歷歷可考如昔淇園東郡平原呂梁七堞等處其成功最速爲利亦最遠又如昭代黃陵岡塞河

諸臣并心畢力成功遠邁於往代其視塞匏子河躬勞萬乘羣臣負薪實河功用久而後成者大相懸矣第修築浚塞必早預爲之計一至決溢覆城郭壞廬舍溢死流下蒙害千里如往代者則慘甚矣今設北河捕廳捍禦防治全城實攸賴之

大抵黃河利一而害百水沃而勢險河渠書曰鄭國說秦鑿涇水東注洛用

填闕之水溉田澤鹵之地皆爲沃野乃河東守番係作渠田數歲河移徙不

利田者不能償種溝洫志曰孔光何武言河水多抵齊多穿漕渠使民得以

溉田涇鹵下濕填淤加肥張戎則更謂河水高於平地猶築垣居水歲增隄

防猶尙決流不可以開渠敗壞城郭田廬百姓怨恨河至汴南北有冲決之

害而無灌溉之利惟南達江淮利轉輸西通鞏維利取炭石之饒

沁河源出山西沁源縣經武陟新鄉陽武流入封邱于家店北繞本縣南三里穿桃陂河東注宏治二年沁河溢封被浸後六年黃河決于家店趨封邱

吞沁河岸流潰沒水去遂淤後上流徑經武陟木欒店南流入黃河今高家莊前舊

河渠深可五六尺闊百尺潦雨數日流水自西南來繞郭外濼迴轉東北去至春日晴明朝旦有雲氣蔽蒸網縕地上里人呼爲王氣云水經曰

沁水出上黨涅縣沁卽泊水也魏野王中郎將表云沁水源出銅堤山屈曲

周迴水道九百里自王屋以東衆谷合流夾岸累石郡志云沁源出綿山今

悉識之以備參考

按順治甲午年秋大雨連月沁河水溢由陽武復入封邱境平地深丈餘滄民田禾幾盡次歲懷郡增堤遏之水始全落然村落間潭窪積水澄澈汪洋有踰年乃涸者

翟溝在縣南八里南接黃河支流引瀆東入故道還帶洄溜澄澈可愛今淤
又一名濮渠地理志註曰東郡濮渠水首受沛東北至都關入羊里水過郡
三行六百三十里說文曰濮水出東郡濮陽孟康曰春秋傳敗狄於長邱今
翟溝是按今有河渠漫漶自西來正當縣城中脇迤郭外北注繞東北與西
南之水合流向東北去以翟母墓視之渠溝徑直當其前或疑縣中爲昔翟
溝所經流處

按翟溝填淤已久今郭外皆乾壑無一勺之觀可慨也夫

金龍口在縣西南二十里河水自龍門砥柱而下至此最爲險隘歷代是口
累決因築堤數重以禦之沁翟二河及漕濮張秋淤決皆是所泛溢也一曰
荊隆口宏治六年河溢捲荆埽以塞之豐隆而起故云蓋河壘要害南北使

者乘傳所必涉之區也。且至是渡河必祭牲饌供具封令遙齎金移戟往應之。弗及則以是獲罪奔走供奉之苦他邑所未有也。

按荊隆口近日離河稍遠然地勢窪下每伏秋水發則一堤之外皆爲巨浸。雖時率夫役修墊而下多朽埽水眼遇暴雨則塌陷最多此將來衝決之隱憂不可不思。患豫防者也。至河口久遷祥邑乘傳者不復假道於是矣。

古潭口一名九家潭。又曰汪家潭。在西南二十里于家店北大可七八畝。潭水恆不竭。人相傳其下有泉。每黃河水盛長間堤數里通徹。泉下潭水湧出。

漢熊罷氏引洛水至南顏下往往掘井井下相通竹水曰井渠又曰龍首渠理或有之北合西來之水流至封邱亦一

邑浸澤也。然大雨旬日流水輒至。滄害民禾。議者濬一小河束水入渠。令之

東注。又議修築董家舊堤以禦之。而民力不能舉。

按古潭口久涸其歲月前志未詳意亦輯志後河患填淤故也大抵濱河坑塹類有泉眼每河水暴漲則泉亦湧出其氣脈相灌輸也然左決則右淤故陂池復爲林麓此無庸築鑿以累民耳

黑龍潭在邑東北三十五里深廣皆數丈餘舊傳有黑龍潛焉故名

按黑龍潭亦久淤龍潛之說或亦好事者神明其事歟

磨臍潭在邑東北四十里灣上周圍圓而下中高如磨臍然

按磨臍潭近亦淤塞

自舜封山濬川以爲鎮澤其蜿蜒浩渺均足以儲清淑之氣鬱勃爲文人封居平原境內無崇峯峻嶂水則迅猛洄瀉洋灑溼濕出人多坦夷而任俠徑直而細齊地氣使然也維嶽降神生甫及申河洛孕秀周家數聖人所淵源

之藪也夫一邱一壑皆足以鍾靈矧封瞻嵩帶河支流錯峙嶮衛其間所藉於山川靈秀匪淺嗟嗟人以地靈地以人重士挺生於其間者將以斯爲重耶抑將有所重於斯耶

按封前際大川而右枕太行每烟雨則河氣網縕白光如練綠疇秀野極目芊綿至曉峯霽雪秋嵐夕雲則西山爽氣正復不減蓋亦山川佳麗之氣萃聚而成都會者也其人磊落而英多其俗淳素以溫和誠扶輿清淑所鍾乎近雖屢逢災患士大夫暨庶族多遷寄外邑而科目鼎盛人文蔚起孝友秀碩之儔輝耀閭左未嘗以困厄稍渝其節觀風者西望翠微南瞻淼渺其亦有會於斯歟

形勢

封邱黑山亘其北黃河經其南左引東昏之墟右阨博浪之阜近附郡城接境畿甸堤阜繚繞水陸洊及巖城深池重堤山河迤邐亦梁北之咽喉也村多樓居堆高丈餘者碁布西北黑陽山水及諸潭口水合流浩淼瀦於東北廟岡坡有廟中央水聚則四面皆水島落渚懸捍波流如砥柱焉東連鄒魯西通河洛南接汴梁北仰嵩嶽又北依胙城沙邱爲擁護南河濬抱藩邱塔峯遙浮水面亦中原天地間氣所萃也宋周邦彥曰日月所會陰陽之中拱衛環維周封鄭地晉人謂秦自西而啟壤齊據東而畫疆蓋輿圖四塞封處其中焉惟市城中高北直鹵瀉氣少弗聚議者欲增修狽缺更於東南起一文昌閣或塔則形勢完固一邑始能興起匪徒以侈觀望已也

按宋都汴卽以封邱名其北門封蓋爲都城藩封附汴梁四面於平砥無山

險區奧乃往歲辛未至壬午羣兇嘯聚蹂踐邑境者屢矣終解去莫能逞豈非捍禦外侮雖以形勢爲險而得人心以爲固險尤足恃哉易曰地險山川邱陵也又曰有孚攣如富以其隣蓋地利不如人和民信之矣險夷形勢非所論也

按封雖平原夷坦非形勝之區而南阻河西峙太行東北聯界山左

畿輔伏莽乘墉之輩恆患稀突明季長垣賊袁姓者率衆萬餘犯封鋒銳甚防弁督鄉兵數千人戰於縣東三里莊敗績賊乘勝圍城城幾陷邑令蘇茂杓以巨礮擊郤之賊遂焚南關遁去時崇禎十三年九月也方賊衆烏合而至屠膾之慘甚於正德辛未時首謀躡封封破則併掠旁邑因席捲渡河從闖寇入關幸封城池完固吏民堅守賊再攻不利遂毀柵而遁識者以謂河

北郡邑獲全由封力挫其銳也然則封雖無崇巖浚壑而設險以守實亦河朔要害之區耳今河決後城湮濠淤器具蕩然而鳴吠之恐時切震隣當事者可不亟議修繕以重藩屏資防禦哉蓋邑雖褊小爲省會之肩背控制津梁彈壓隣境有不可不豫謀於先事者耳

古蹟

黃河在縣南神馬里周穆王傳天子東遊於黃澤歌曰黃之池其馬噴沙黃之澤其馬噴玉黃池昔爲周東京畿穆王嘗遊其地

春秋哀公十四年公會晉侯及吳子于黃池杜預曰黃池在戶牖西邑舊志云吳王夫

差會諸侯於此郡志謂古有黃池亭史記孔子使子貢救魯說吳伐齊吳因以兵臨晉晉大敗之越乘虛入吳滅之

按神馬里卽今大王廟決口處也黃池故蹟不可復識而堤北當決口處積水潭汪洋數十頃深十餘丈微風撼之則波濤怒作澎湃之聲聞數里外現

設管河道行館統標兵防禦

蟲牢在封邱縣北春秋成公五年公會晉侯齊侯宋公衛侯鄭伯曹伯邾子

杞伯同盟于蟲牢春秋傳註曰蟲牢鄭地在陳留封邱北

平邱在縣東四十里黃陵社今平邱集是也春秋昭公十三年公會劉子晉

侯齊侯宋公衛侯鄭伯曹伯莒子邾子滕子薛伯杞伯小邾子于平邱八月

甲戌又同盟於平邱風俗傳曰平邱衛靈公邑邑名封阜西漢為平邱縣後

封光祿大夫王遷為平邱侯食邑於是東漢仍改為平邱縣郡志云此地舊

有臨濟亭平邱城按一統志河南通志皆謂平邱在陳留西北九十里漢書亦云封邱當陳留西北平邱集至陳留止可八九十里又

歷代沿革表又云晉省平邱入封邱平邱屬吾封疆域明矣或以為屬長垣則無所考或以其民人今有其三之一與

按平邱集近屬祥符而稱封邑亦有仍舉平邱者蓋併省之後疆宇割裂名

號混淆類此甚繁而先賢必云平邱屬吾封疆域者意二邑畛界毗連其土地人民恆多兩屬故也

封父亭在縣治坊西北夏后氏之世封父爲諸侯建亭於此以爲公餘適情

之所

封父亭在縣治西

按亭雖久墟而封之命名取義實始於是今署西有隙地應構祠數楹仍作亭其上歲時禋祀以奉父如杞祀東樓虞祀胡公者或亦溯源始封之義乎

劉光店在縣東三十里漢光武北征王郎駐蹕於此先是軍中苦蚊帝至蚊

盡去人謂其地至今無蚊患云

南北爲淄沭通衢舊亦屬邑大鎮今被盜繫累人民多逃竄復業者少

按劉光集以光武駐蹕取義亦猶高祖嘗於楚而受餐翟母也當時燕萋亭豈粥淳沱河麥飯君臣艱難逆旅寧知有蚊蚋之爲患乎封人特神明其事

以志帝北征時曾提戈躍馬取道於是卒成東京之業雖託宿委巷殊非偶然耳今集遭河患屋邑零落殆盡近始稍稍編葺而茂草長葦人跡罕到溜青故道藜塞久矣

中灤城在縣西南三十五里元末達魯花赤黃漢臣築

舊河淤地肥今變爲鹽沙不堪耕種居民

零落

按元通會通河湮塞京師米價踴貴命轉運使歲漕江南米數十萬由淮入汴至中灤城陸運赴淇門仍以舟載送京師此中灤城所由建也後以勞費不貲用朱清策從海運至直沽而中灤城遂廢明季數遭河決居民逃徙幾盡村落坵墟

明太祖命徐達常遇春等率甲士二十五萬北取中原兵下河南發汴梁自

中灤城渡河取衛輝等郡軍宿城中夜聞雨聲起視之月白風清澄空如晝

劍槩相磨則有聲五行攻勝則有聲將兵助順則羽聲應之人心警備則未雨有陰雨之警北定中原渡兵始此

按書稱於爍王師驅風雷助鉦鼓挽天河洗甲兵此其兆徵也中山開平二

王北定中原師若時雨所至兵不血刃蓋濟河之夕百神告之矣

周太祖營在縣西北一里五代郭威主征伐自鄴郡將大軍趨汴至封邱屯

兵於此

時王命慕容彥超將兵拒戰敗還威遂入汴會契丹入境威復將大軍出擊之至封之北抵澶州將士忽大躁裂黃旗以披威體擁威南

行威乃卽皇帝位

按封五代時恆在河南故周太祖師次封郊漢隱帝遣彥超拒之漢兵潰遂

長驅入汴既又因將士擁戴自立而還當是時曾未有禦諸河者蓋自唐末

河決北徙封恆在河以南故周太祖黃袍被於前宋太祖黃袍加於後皆鼓

行還趣都門遂卽位云

青陵臺在縣東北青陵社宋康王欲奪其舍人韓馮妻息氏築青陵臺以望之息氏作詩自誓已志不從已而康王竟致其妻於臺上舍人馮自殺馮妻

息氏投臺下死人至今哀之

李崆峒詩曰兩山當中開路出青陵臺北山雖張羅南山鳥不來我在南山自有匹吾頸可斷

志不易外咏吊甚多見後藝文

按青陵社今爲至小村落臺塚故墟皆不可考或春秋時宋康王曾建國於是乎然則封亦宋域也息氏鴛鴦塚故事膾炙千古而金石銷沉孤芳歇絕弔古者慨然太息謂息氏貞烈奇蹤不可不建祠饗祀云

崔臺在縣治保和坊崔頤正崔偃侄兄弟讀書講習之所

保和坊在縣治前

按崔氏棣萼相輝並膺主眷故鄉人志其讀書臺以記盛而今保和坊故址

不可復識矣

八角井在縣東二十里潘店世傳宋樞密使潘仁美之里有井八角不方不圓旁又有九井云

按今潘店尚有樞密故祠九井雖湮而八角者尚在蓋仁美為宋藝祖勳舊名將與石守信曹彬等皆賜第京師茲或其發祥之故里耳考潘氏後裔在本邑尚繁無能為樞密崇修祀典者噫何凌夷式微若是耶

封邑舊志以境內山川古蹟彙為八景然不出前編所載中矣復類而志之

於左以存舊云一曰中灤夜雨

兵下河南夜宿中灤聞軍中間雨

一曰磨潭

秋月

以其周圍俱平而中獨高故曰磨臍

一曰青陵古樹

宋康王築青陵臺望韓馮妻息氏竟

執於臺上馮死妻息氏亦投臺下死葬於里中有連一曰黃池芳草
王夫差

會諸侯於黃池一統志屬川蓋亦水
澤之藪也其地多膏腴草木翳茂
一曰封父舊亭夏后氏之世封父為諸侯建亭於縣治安坊西

北以爲公餘適情之所今
雖不存存昔爲一邑勝概
一曰翟母遺塚漢高帝厄於楚餒甚母嘗饋食及帝業成欲酬母恩母已逝乃封其

墓因置封邱縣歲時致祭
焉舊有翟母祠在縣城中
一曰淳于曉鍾每夜將旦淳于岡上隱隱有鍾聲始人以爲怪後因以爲力農晨興

之候每
且不爽
一曰翟溝晴波西接黃河支流引瀆東注環帶潏紆澄徹如鑑
此八景也舊傳爲一方勝景

邑人豔爲美譚夫勝地必大有關係茲邑乃可歷千百世而無湮滅且史載

往蹟所以備法戒志興亡也不然即東山之慢遊蘭亭之禊飲曾不足當吊

古者之一盼執是遂可誇勝於一邑耶君子提衡曠古保界河山感是不能

無動念焉

按封土平衍夷曠雖無奇峯怪壑之觀而清揚恢廓亦宇內勝際也先賢點

綴八景以志舊蹟而今皆湮沒不可復覩愚謂封邑名勝正不係八景之存

亡後之君子苟有興懷往古賦章以見志者荒城烟雨寒壑草木無在非大塊文章也若夫役民力以修臺榭輟公務而事遊田益迂且拙矣

風俗

漢代班固謂其民守先王遺教君子深思小人儉陋習俗質朴精急高氣多晉公族子孫報仇過直又云嫁娶送死奢靡漢興號爲難治盜賊爲他州劇唐劉禹錫曰魏俗剛強其氣習豪宋地理志曰重禮教勤耕維俗尊年齒學尙經術邑附近畿養交都邑賂結權要有司難釐以法河南通志云梁魏之墟人多俊髦好儒雅雜以遊豫有魏公子之風難動以非易感以義季札聞鄭之歌曰美哉其細已甚民弗堪也物產半饒習俗喜醮祭用巫史至今人淳實巧不取愚強不凌弱好稼穡惡浮食開封府志云士興禮讓民知務本

嫁娶以時喪葬循禮多椎魯又云士以節義自重而羞于謁民以敦睦爲良而恥告訐大率地居土中物受正氣其人性而才慧近魯而少文平原修野故其人坦易洪濤巨河故其人浩溥

宋紫陽氏崇尚風俗深有取於人知善之可慕而必爲人知不善之可羞而必去又曰紀綱頹於上則風俗敝於下紀綱風俗必以仁義禮智信爲本五方風氣應五行五常配五倫封附中土人多信實又隸東郡得天地生氣且以仁母肇域卽今溫良勁直崇讓博物敦倫守信者固不乏人而且不習爲軟美之態依阿之言傾陷之習如宋儒所鄙云人謂是邑有古風信矣然而風會漸漓敦崇嫺睦未免少遜於古胥掾結盟羣朋膠固邇來士氣少振矜行力學崇尚師友漸剖文明隆興可待矣昔伯玉恥獨爲君子江都下帷三

載不規園吾儕當共勉勵以挽澆俗至於國奢則示之以儉國儉則示之以禮移風易俗在上之人先之於身而已書曰道有升降政由俗革故先王觀民風以驗吏治封之民儉耶奢耶誠如酌豐儉而制其宜於以返樸還醇文飾固陋封民同爲三代之民可也

按封雖阻河距會城僅六十里故風俗好尙與汴略同而敦樸趨義獨跨河朔與旁邑迥殊雖數逢災患或徙亡出鄉而風氣淳雅如故士雖貧落唯以耕讀爲生計鮮寡廉鮮恥辱人賤行之事男女耕鋤有禮蜡臘嫁娶儉而不嗇敬長卹幼尊節孝重衣冠通有無閭井晏如無浮薄好事之患服徭輸賦多狗義亟公間亦歌舞祀神無妨耕織性或任俠勇悍易於爲非然馴謹亡嚚訟異獄吏以文法教訓諭告輒相率勉勵罔強梗扞法焉孔子曰里仁爲

美
其傳曰
封俗瘠
之土民
謂歟

封邱縣志卷二

建置

粵自易勒鼎建春秋紀城城書立廟綱目書宮室則建置誠重矣然而建置非聖人得已也爲民社計也中原四戰無防禦之阻唯是崇墉堙谷足代山川之險乃體險守國則在司牧於是官廳廬舍嚴隔上下頒布政教以至庇民捍患則重祀典表閭旌賢則先建豎卽細而廩庾邱隴靡非民命存亡一邑興廢所攸繫者用皆列之建置然而或存或廢缺圯固尙多也概存之者何蘄修復也勞民靡費君子惜之誠有利於民社則庀材鳩工聖人所不廢也故曰使民以時以佚道使民雖勞不怨今修廢舉墜經畫伊始次第增所未備且盱衡俟之矣

城池

封城西漢時建元至正間淪於水洪武元年再建成化二年知縣王輔重修立五門宏治二年復圯於河十三年知縣袁仕增修正德六年知縣張守增

修更立門數

東曰通濟南曰鎮河西曰拱
行北曰連衛東北曰朝闕

城圍五里七十步高二丈七尺廣

一丈四尺池深九尺闊一丈三尺隆慶六年知縣李呈明將舊城用磚石包修頗稱完固高三丈廣一丈九尺萬歷三年知縣胡以祚挑濬護城河五門各置吊橋可爲一方保障三十六年知縣趙浩重修萬歷四十年知縣張鯉重建城東北門樓并門外橋四十三年知縣王策重修東門外橋

詩曰築城伊洺作豐伊匹故有國者必先立城郭溝池以爲固所以藩衛斯民捍禦外侮也國初城止高八尺迄今漸增崇峻若此設險以守誠易易矣

然往歲流賊犯境三至不能入者猶然舊土城耳又匪直城郭溝池之是恃者抑別有所以爲固者耶噫封爲梁蔽昔寇恂馳溫以救洛今鳳山全封以捍梁儻于有事之日預以恩信結固民心於先而需此堅城捍撤於後寧直一邑賴之耶

按封城自順治九年河決毀於水初四門樓櫓雉堞猶有存者近傾圮日甚磚甃剝落殆盡卽土壘亦漸欹斜矣夫封雖彈丸邑而北接天雄東界青堯名城兀然爲中土北屏繫斯築斯似亦非迂闊不經者但封民蕩析之餘哀鴻甫集增障浚隍不貲之費有非旦夕能辦者經營區畫是在當事者另爲綢繆耳

官署

縣治在城內正中善政街洪武元年縣丞秦世傑建宏治八年知縣袁仕嘉

靖五年知縣龔治隆慶六年知縣李呈明相繼增修 正堂三楹扁曰鳴琴堂 萬歷

三十三年知縣陰象坤重修 儀門三楹內有勅諭坊牌一座書戒石語 譙樓三楹即大門 後堂三楹

扁曰委蛇堂 戒石亭勸勸諭爾俸爾祿民膏民脂下民易虐上天難欺後改亭為坊 旌善亭三楹縣右凡民間孝子順孫義夫節婦則

揭其行實於 萬歷二年知縣胡以祚重建三十三年知縣陰象坤重修 申

明亭三楹縣左凡民有作姦犯科則書其名罪於亭以示懲警耆老里長在此會斷民間戶婚爭鬪之事 寅賓館三楹儀門外東扁曰好我

萬歷二年知縣胡以祚創建三十三年知縣陰象坤重修 角門東西各一 鸞

駕庫 官物庫 架閣庫 吏房 馬科 承發司 東書房縣宅東周圍池水由木橋

至通 獄司 倉房 萬歷四十年知縣張鯉重修 大戶房 萬歷四十年知縣張

鯉重修 知縣宅縣堂後 縣丞宅縣正宅西 主簿宅縣正宅東 典史宅縣正宅東南

按封署自九年河決悉毀時知縣宋翔聞堤潰攜家登城樓避水水初至聲如轟雷官民廬舍頃刻圻裂樓亦隨毀遂乘筏渡去寄署於西南三十里之于家店今知縣余縉於順治十四年冬復建縣署凡正堂儀門後堂內宅主樓庫樓架閣兩廊等房舍皆以次第落成所未備者唯譙樓及旌善等亭耳是役也從洪流席捲之餘又值河工困弊之後經營鳩庀百倍艱難有不可與尋常興建同日語者後之臨是署者其亦無忘慘澹之力云縣丞王簿宅皆塌毀未建獨典史宅先完係今典史張學捐資自造

察院在縣治東南洪武初縣丞秦世傑建嘉靖五年知縣龔治隆慶六年知縣李呈明萬歷三十四年知縣劉民裕相繼重修荆隆口察院萬歷四十年知縣張鯉重修

順治九年河決衝毀今議重修

布政司在縣治西南

一名府館今河捕廳同知住衙

洪武初縣丞秦世傑建嘉靖五年知縣

龔治李呈明萬歷三十六年知縣趙浩相繼重修

順治九年河決衝毀今議重建

按察司在縣治西南

舊在普照寺趾基

宏治二年知縣張天衢遷於西南隅

順治九年河決衝毀今議重建

官廳四一在荊隆口一在翟家口二在于家店萬歷二年知縣胡以祚建萬

歷三十九年知縣張鯉重建

按官廳止荊隆口尙存三楹而餘悉毀廢莫考矣

巡檢司在中灤城洪武三年建今革

中灤城近荊隆口乘傳至此嘗遇盜巡檢司宜設

新莊驛在縣

東南二十五里洪武二十三年建正統十三年革新莊驛半屬祥中灤驛在

縣西南二十五里永樂十年建正統十二年革今渡口官廳俱移荆隆口馳傳如昔封邱協濟而驛則廢

稅課司在縣治左宏治十七年革

陰陽學在縣治右洪武十七年建萬歷三年知縣胡以祚重修四十年知縣

張鯉重建

醫學在縣治右洪治十七年建萬歷三年知縣胡以祚重修四十年知縣張

鯉重建

惠民局在縣治南 僧會司 道會司 演武場在縣南門三里隆慶四年

知縣朱希顏建

養濟院在朝闕門內隆慶五年知縣李呈明重修

急遞舖八

總舖在縣治前東南曰竹村曰新莊西南曰辛口曰于家店西北曰留村曰應舉曰史固以上俱於順治九年

河決衝毀今議重建

朝廷張官置吏以爲民也然居必有常所行必設邸次則官署胡可緩也稽夏后氏五室堂三股人重屋四阿周因差其制以爲州牧宮室之制下及廬閭皆有攸處乃綱目書宮室而不錄間架者何哉若曰建官署者正以奠民居也是一邑標表所攸繫也且召伯以南國寄愛胡潛以東璧遺思有令人睹署舍而歌仰者所係豈微哉昔馬光祖典郡興建最廣而終不沒良牧之名蓋節靡裁侈興所當務而已若秦人無廬則其永鑒也

野史氏曰興臺僚隸各有寧居而後可以集事矧出宰百里者乎封署素稱軒爽前令屢輯之故事逸而工速今河患之餘官民廬舍蕩然無遺公私物

力又處極困非但質材鳩工煩長吏之早作夜思卽區區公甸力役之征有
至艱難罔措者蓋樽節愛養爰致子來披荆剪棘以肇營室其勞逸實相倍
蓰也

廟祠

城隍廟

五楹

在縣東街南向城內居中洪武五年縣丞張宗海建宏治十一年

知縣袁仕

令邑人劉鐸

重建萬歷十一年知縣郝國章重修

方亭一座扁曰真司靈應大門二門各三

楹二門上建樓東西廊各七楹後寢室三楹東通錫印宮

順治九年河決廟全毀知縣余縉重建後殿五

楹邑人周維昇等續建樂樓三楹餘寢室廊廡次第修舉

關王廟二一在縣西街北南向永樂九年鄉人賀繼等建萬歷十一年知縣

張澣增修二十六年貢士邊之藩等重修

大門二門及前廈各三楹二門上建樓

順治九年河

決灌城廟全毀現議重修一在神馬村北二堤

總河尙書楊

巡撫都御史亢

捐資新建與大王廟決口南北相對蓋二公所建以祈

永奠隄防者也

玉皇廟

三楹

在縣東郭外西向邑人李尙志等建萬歷三十七年邑人知縣范

鎬等重修

大門及前廈各三楹南有王靈廟北有三清廟

順治九年河決全毀

元帝廟

三楹舊名大廡觀

在縣北關南向邑人孫承先等重建

大門一座三楹東西廊各五楹

順治

九年河決全毀

東嶽廟

三楹

在縣東關街北南向永樂八年邑人劉俊等建萬歷三十五年邑

人劉志忠等重修

大門一座三楹上建樓

順治九年河決全毀

河濱祠在縣西南二十里荆隆口宏治九年副使張鼎建每歲致祭設祭田

八十九畝

今春秋致祭田廢

廟後古槐二章夏月陰鬱蔽日規制頗宏敞有張副使

治河碑記

火神廟

三楹

在朝闕門內街北南向萬歷二年縣丞董世宦重建萬歷三十七

年庠生孫繩武等重修

大門一座三楹上建樓

河決全毀今議重建

土地祠

三楹

在東街北城隍廟右萬歷三十九年邑人姬可久等建

門樓一座

河決

悉毀今議重建

龍王廟

三楹

在縣南門外萬歷三十年同知錢景醇建

門樓一座

西大王廟二一在縣西南二十里中灤鎮至元十四年鎮民劉忠等建後河

決廟毀

一在神馬村大殿三楹畫棟雕甍金碧巍煥中門繚以周垣山門設鐘鼓俱極壯麗河道方大猷建廟西卽順治九年決口處也旁右廟祝房二所東卽管河道公館祠額曰功奠元圭戶部尙書戴明說書

三官廟三楹在西關東向萬歷二十四年知縣王三極重修貢士邊之藩監河

決全毀

晉王祠三楹在縣西南小斗門舊名屯固村鄉人所建以祀晉王李克用也

唐末朱溫據汴河北羣盜縱橫民被俘掠最慘王以晉陽兵屯留茲土邑境獨全故民德之今廟雖近頽鄉人春秋賽祀歌舞不輟蓋由王功德深厚亦徵封民之感澤奕世弗衰云

二郎廟在西街南洪武二十五年邑人閻秦建門樓一座今廢

福神廟三楹在縣治儀門外西萬歷三十三年知縣陰象坤重修門樓一座河決毀

今重建

獄神廟在縣獄內萬歷四十年知縣張鯉重修四十二年知縣王策重修

河決毀今議重建

陳平廟在縣西北吳村永樂二十年村人劉順等建今廢

百里刺史祠三楹在縣東五里廟岡至大十年建成化八年知縣計璠置祭田

二十畝田今廢

今祠圯已久議重建以崇先賢尙未果也

馬神廟在縣東萬歷四十二年知縣王策建三楹門樓一座廟今廢議重建

翟母祠在城內縣治西遺址前有井井今尙存邑人傳謂淘井可得兩嘉靖

二十年歲大旱知縣朱縉懇禱洵井果大雨滂沛邑人徐圖等建祠以祀之
今圯

按祠前井數經河患未堙似亦有神異者今議作亭其上以表賢母故里

三清廟在縣東北門外

舊爲三教廟慈谿孫應元在封講學啓
知縣張鯉移孔子於文廟改曰三清廟今廢

社稷壇在縣西門外磚砌

風雲雷雨山川壇在縣南門外磚砌知縣龔治重修

八蜡祠在縣南門外嘉靖五年知縣龔治建

邑厲壇在縣北門外

或疑漏澤園
卽其地云

以上諸祠俱係順治九年河決衝毀今議重建

張公生祠在荆隆口爲按察司管河道副使張鼎建

張公生祠在儒學南爲知縣張守建

龔公生祠在西門外爲知縣龔治建

詹公生祠在東門外爲知縣詹頤吉建

陰公生祠在縣治西爲知縣陰象坤建

張公生祠在西門外南向邑人爲知縣張鯉建

高公生祠在縣治西南向邑人爲知縣高有建

語云改定神祇上儀也欽修百祀咸秩也故周有甞幕鞮屨氏以司祀事蓋神爲山川民社之主庇國捍患全邑實陰賴之弗可諉也左氏曰以死勤事則祀之以勞定國則祀之苟其前世有功德於民則亦惡容湮沒而不載在祀典乎且務民義而敬鬼神其道一而已矣有爲民爲國之思者自不得忽

禪薦爲具文也

按以上諸祠亦先賢衣冠俎豆之遺而今悉毀廢矣夫召棠因樹而思人峴
墅存碑而墮淚餘愛在人几筵忽替嗣此者能無喟焉嘆興乎

寺觀

普照寺

在縣東南隅正德二年知縣熊鎮重建

崇興寺

在縣東北三十里

雲峯寺

在縣東三十五里

永寧寺

在縣

寶峯寺

在縣東北十五里

陡山寺

在縣西南五十里

龍泉寺

在縣西北二十里

石佛寺

在縣東五

應舉寺

在縣西二十里

大道寺

在縣西北三十里

南宮寺

在縣西北二十里

薦福寺

在縣東二十里

寺

在縣西北三十里

三臺寺

在縣西北二十里

報恩寺

在縣西南三十里

觀音寺

在縣西二十里

崇福寺

在縣

釋迦院

在縣東北三十里

洪量寺

在縣西南五十里

觀音堂

有二一在縣西南隅

白衣觀

在縣西南隅

音堂

有二一在縣西南隅一在東門外

泰山行宮

在縣北門外

錫印宮

在東街北城隍廟東

綱目凡國邑立廟非其族類晦菴氏必譏之戒淫祠也若曰徒爲是靡費民財瀆神而不可爲也然廟祀已具而必議毀滅以謝希逸則非善學狄梁公者矣天地道大釋以清淨老以靜虛吾儒以靜專動直兼之自聖人視之二氏皆我一得可藉以勸善而勵俗者但愚民舍民彝而動欲邀福於神是之無取於崇壇建祀云耳

按以上諸寺院皆頽廢有僅存其故址者然邑無名山邃壑非崇修宗教之地盛衰消息任其自然可已

倉庫

官庫即常平倉在縣治寅賓館前萬歷四十年知縣張鯉重建 順治九年河決

毀今議重建

預備倉舊止存谷五百石萬曆四十年知縣張鯉稟補谷二千石在縣西南隅洪武十七年建隆慶五年

知縣李呈明重修萬曆三十九年知縣張鯉增修添置廩房一座牌房一座

萬曆三十五年添設倉吏一名舊審縣民大戶一名磨斗級賠累不堪萬曆三十八年知縣張鯉申請裁革斗級另召募人充應順治九年

河決毀今議重建

義倉有三一在北後街街北宏治八年知縣袁仕創建一在荆隆口一在留

光集

按此即朱子社倉法也有在城有在鄉欲民受賑者各從所便耳今倉廢而法亦久隳有心濟世者可不亟圖修舉乎

庫樓二座在縣堂東西今東有庫樓西止庫房隆慶五年知縣李呈明創建 順治九

年河決毀十四年知縣余縉重建

昔賈生有言曰蓄積者民之大命也王制國無九年之蓄謂之不足况蓄積不及闕歲何恃而無恐往富鄭公爲吏置救荒之策至今膾炙人口大要不過捐賑平糴二事而已然欲備賑施待荒歉活民於數十年之後非預爲積貯不可封都鄙郊野積金可充歲幾積粟可充歲幾設有歲時旱潦計將安出耶有國大計誠惟是彊本節用是務儻更議積備之方則有棗祗屯田積粟及古常平之法在口口口口口口口口可採而行之以益廩粟否

按常平儲粟之法近亦講求者屢矣然通都大邑所積無幾而鼠雀耗之至於出陳納新以備朽蠹法非不善而奉行不得其人往往厲民過於青苗餽質是又不可不防其流漸也封民貧瘠在豐亨大有之年先賢尙憂無卒歲之計矧今河患之餘家鮮蓋藏萬一年穀不登公私交匱其害有不可言者

語云備於豫而後可以應猝有識者宜亟爲之計耳

坊樓

崇節愛坊在縣治前

萬曆三十三年知縣陰象坤修

萬古文明坊在儒學前

萬曆三十二年知縣陰象坤修

威靈感應坊在城隍廟前

萬曆三十八年知縣趙浩修

以上諸坊俱河決衝毀俟重立

東街

監察御史

爲監察御史李振綱立

上林春色

爲上林苑監丞劉瓚立

戶部尙書

爲戶部尙書黃紱立知縣張鯉重建

大都憲

爲左都御史黃紱立

世科

爲舉人高亮高進立

光裕

爲知州賈宣立

文英

爲舉人劉衍立

南街

世科爲舉人劉瓚 壬辰進士爲兵備副使陳組立 貞節爲生員彭儀妻吳氏立知縣胡以祚重修

西街

棘寺霜威爲大理寺評事劉繼德立 恩褒三代爲誥贈山東參政邊鴻邊實山東右布政使加太僕寺卿邊有猷立 甲戌進

士爲甲戌科進士邊有猷立 亞元爲經魁陳組立

北街

納言爲左通政劉繼德立 重光爲舉人方顯方正立 紹芳爲監察御史方德懋立 綉衣爲監察御史方德懋立 鳴鳳爲舉人

人吳立 世科爲舉人韓謹立 飛騰爲舉人韓瑾立 孝行坊爲孝子陳瑛立 以上諸坊俱河決毀訖

蓋自周有鄉大夫之職考其國中賢者能者則賓禮之獻書於王勒名天府

而又表於鄉閭以寵異之此坊樓所自始也至孝友貞烈勁節芳名炳耀一

時的歷千載亦當與甲第共揚以風勵來世者以是搜列並載以俟後人飭

葺用識先德弗朽爾

按坊樓自明季萬歷以後鄉先達多未建立蓋時方多事帑藏日匱表閭旌宅之典漸從裁節故也迄

國朝鼎興士之奮附風雲者多銘功太常志續鍾簾而建坊之役尙多未逮亦以大難初夷賢人君子猶謙讓不遑耳乃封土不造新坊未立而舊坊已委逝波邱墟板蕩之餘致先輩寵榮茂烈無所復覩可慨也夫

閭鎮

啟明鄉 里仁鄉 南薰鄉 宏道鄉 恆德鄉 長庚鄉 通元鄉 精

義鄉共八鄉 黃陵社 板堂社 賈色社 李雄社 北侯社 馬村社 潘

固社 東吳村社 陳道社 治安社 盤邱社 淳于社 西吳村社

沙墾社 付固社 史固社 保和社 天鵝社 時文社 辛口社 留

儀社 東斗社 西斗社 東姜社 神馬社 南邢社 共二十社 中灤城

于家店 荊隆口 平邱城 楊村 王村 李村 孫村 留村 應舉

韓村 桑村 居廂 龐村 胡村 張郭村 閻村 曹村 竹村

蔡村 毛村 耿村 大張村 七城村 廟岡村 高家莊 孟家莊

黃家寨 趙采 柳橫 柳固 馬臺 皮固 瓦窰 潘店 中宮店

劉固 桃陂店 新安集 黃村營 水驛 陡門 大村 郝村 永頭

村 馮村 劉光集 辛興集 丈八村 黎林莊 李家莊 以上村落據舊志所存及

目耳所親記者載之餘未及載

古有修閻氏掌輿地凡比閻族黨罔不登載覽者可以周知境地廣狹人民

萃渙厥土肥磽民土誠重矣然林釋之論州郡於人所聚多處則無取焉豈非窮巷蓬華反多畸人所發跡往往寄興幽遐林棲野處有不可泯滅而無聞者耶故書鄉鎮者冀與人俱顯也若夫日中之市貿遷有無出入相友使百姓親睦則教固行於其中矣

按封之鄉鎮村落自崇禎庚辰後歷歲奇荒兵燹丁壯轉徙老稚溝瘠房舍焚毀殆盡入

本朝稍有起色而七年九年連歲河決汎汎子遺復竄逃外壤爲人力田及河工告竣而室廬蕩然無復故園景象矣當此荏葦荆棘中刺草植穀數椽弗蔽風雨故家大族或仳離不能自全通邑至繁村疇居民不滿百家凋殘零落於斯極矣有生聚教養之責者當若何噢咻之哉

堤廠

護城堤周圍十一里頂闊一丈高如之宏治八年知縣袁仕創築

先是河決荊隆口灌

封邱當事者議遷封邱於蔣村鎮不果乃築外郭以禦水患今護城堤是也

正德十三年知縣張憲復堞垣牆於

上高八尺厚三尺嘉靖二年知縣龔治於西北堤口各置望樓一座以備兵

患且可瞭望云

近日河流高於平地堤岸一決勢如建瓴傾瀉直至夜則不入也若復治望樓非就堤上樹築不可後柵欄一然

萬歷三年知縣胡以祚重修築樹柵欄大門七座

縣扁其上東曰永綏南曰永保西曰永鎮北曰永賴永靖東北曰永豐堤圍

牆下栽樹萬株後堤外皆砌石橋規制宏廠名曰護城堤實與重城無異矣

萬歷四十八年知縣宋學道見堤勢日損河流益高深憂之力請於上發銀

募夫加築高一丈八尺闊一丈五尺既而崇禎四五年荆隆口連歲潰決封

城恃以無恙人咸服其先見至順治七年河決朱源寨直衝封城時黃流圍繞淤土漸與堤平兼浸漬日久堤內積水日深里巷往來皆以舟筏至九年大王廟口復決水遂越堤灌城而築垣居水中之喻於茲大驗矣今城外淤土高丈許舊堤祇存顛脊議者云修城必先修堤蓋堤可以禦暴水而既築之後尤不可不歲加修葺以防漫溢也不然則河流高於城堞而荆隆神馬中灤于家店一帶距邑不過數十里其堤防善潰自古爲患封何恃而無恐哉

長堤

一云大堤

在城南十三里高可三丈頂闊一丈五尺起荆隆口迤邐東南直

抵徐州宏治六年都御史劉大夏平江伯陳銳副使張鼎所築

河溢于家店又溢荆隆口

累歲漂沒東決運道上遣劉大夏荆隆口之東西各二百餘里黃陵岡之東等寨治河口復築長城以禦河患

西各三百餘里又以金龍口黃陵岡二處河口屢塞屢決築堤三重以禦之

按當日塞河築堤悉用河南民兵草束薪蒸以千百萬計那方面官以下皆分統治之乃獲成功塞河堤口至今沿堤設堡夫防守

按長堤一名小長堤自朱源寨決後河道方大猷復叛築大堤於小長堤之南東起祥符之陳橋西訖封之荊隆口計三十里高闊倍於故堤蓋北岸迤邐窪下苟避河北徙則地勢愈卑河憑高潰下無可復禦故不得不漸南以拒之然而東之益隘捍之益怒將來潰溢之患更可寒心耳

董家堤在城西二十里高五尺闊亦如之歷來有此堤障禦黑洋山水黑洋山在

陽武縣境內又滎潦之水西來并順堤北注入沁衛二河萬歷三十年堤口冲決

數十丈至今未塞每霖雨旬日則黑洋山水合古潭口水輒流入封邱是西來水

環抱城郭北西亦浸澤也但封無水田東西滄沒八九十里有害禾稼今因城邑近地被浸議築塞舊堤復於堤西略濬舊渠令仍北注水歸故道又綱

目及一統志僉云自開封府東至千乘海口千餘里歷代築堤以禦河患通謂之金堤漢孝文時河決酸棗東潰金堤卽北堤也長垣延津志俱載金堤獨封志未載今姑識此以俟後人考實次記不敢以所疑遽入

按董家堤係祥符境而前志載之者以其遏禦西水有裨封疆也今堤毀已盡勢難更築近議又欲修太行堤以備河不知太行堤與金堤摠屬一堤歷代修築各隨其宜今使

國有餘財民有餘力於臨河大堤加工修築務令高大數倍足資防禦是卽金堤太行堤也亦何事訪求故址奪民田園廬墓舍切近之保障而從事迂遠廢便利之工作而更滋勞費乎至封土平衍無川澤陂池之利每夏潦秋淫蓄洩靡地多至泛溢傷苗稼則修溝洫之制以營水利似亦無容緩也

草廠在于家店宏治九年建設每歲辦買梢草積置廠中以備河患捲掃支

用舊設廠夫四名收支審邑中富民充之賠累傾家者十常八九

舊日廠中梢草堆積

如山支用弗盡數年霖雨浸漬多至沓爛舊例悉令廠夫包賠每遇督河使者追徵遂至傾家鬻產按梢草五年以上沓爛者常免包賠萬歷四

十一年議革去廠夫另召募人應充歲給工食又議添設廠大使一員監管

以防侵弊此法民甚稱便宜決行之

萬歷三十年同知劉源因河患急緊暫請發銀千餘兩令民辦買梢草載送廠

中備用後遂為例然河患有無難料而梢草用與不用亦不可知時值荒歲價必增倍且如往年載送朱旺口三百餘里賠苦不堪似此梢草量宜稍減

如河水驟盛用急暫可借用別廠梢草迨其用急亦以是廠所積與之此權宜濟變之計不至委積無用且免沓爛包賠在典守者防其出入之弊而已

至修堤銀兩多寡原無定數歲料河工請發斷不可減也

按草廠近以河勢東引歷歲修防俱在神馬一帶草廠圍廠因亦移設其草

束恆用河夫採辦凡出入官為收支民不受累頗稱良法唯是舊設廠書一

名廠夫四名司登記守望之役

鼎革後工食裁免始用堡夫代爲看守此輩皆濱河貧民家無斗筲頗以此妨其農業甚苦患之牧斯邑者俟封土漸闢賦額如故仍應力請設立廠役以蘇苦累

今夫載堤廠者志河防也河自周漢再徙砮礮屢潰金堤唐宋恆遷郡以避之其最易決者無如開封南北岸蓋黃河上經龍門砥柱山險夾流下至呂梁二洪有東北諸山防捍惟至開封封邱等處衆河畢會勢甚洶湧而土性又薄疏易潰故防禦爲甚艱耳大率築堤宜審地形高下水勢利病袤廣虛實預爲築塞則堅而可恃若待河水瀑漲霖雨不止浮壤淖漬雖丁壯數千無可措手至捲埽之弊更難枚舉舊日廠役利用梢草欲盡名曰下埽實則委芻寘河無裨實用近查革此弊巡行覈實更議捲埽一法以備後患云

法用竹絡長二三丈高一丈實以小石雜以薪芻踏實推捲成埽量水淺深制埽小大腰索及管心索或徑寸或三寸許縱橫網束掛於鉄錨大概之上用丁夫數百漸推岸下河流洶湧惟石埽則不可冲去非竹則亦不能攔石漢河堤使者王延世元時漕運使賈魯捲埽築堤多用此法卒獲成功無石則易以磚無竹則易以木權宜制變在人善用之耳此外猶有壘埽臺縛方舟安大椿繫龍尾諸法難以備載且治河者已廣籌而預圖之底廠成功庶患云永無後

接近日塞決法不復用竹絡磚石大約以柳梢數千束外裹以芟纜蔴草役夫千人而上始克推挽大王廟口之役有捲埽高至三丈餘長至二十餘丈者每埽估議物料約費千金既推岸下往往以水勢浩悍絕維而去亦有釘大椿數道仍浮出與波俱逝者蓋埽大而河勢攻之愈力雖貫以繩索三面繫之猶拉枯朽罔成績也後賴挑濬引河水勢分殺始克堵塞近議捲埽仍以一丈爲度不特事省力易卽間有衝失亦不至過費金錢誠良策也至於

柳梢一項每至河工亟需價輒騰踴而採運收支之弊有不能盡述者留心河務之人可不曲思所以變通乎

塚墓

翟母墓在縣內保和街今縣治西

舊墓北有祠

漢高帝厄楚時餒甚母嘗饋食及

帝帝業成母已逝乃封其墓置封邱縣縣之得名以此

按翟母墓近在城坊而故址湮滅不可復問意當時漢高封識坵隴間應有華表碑碣之屬而世遠莫考今唯有里門古井相傳爲媪家舊跡耳

百里嵩墓在縣東五里廟岡村漢徐州刺史邑人百里嵩葬此

嵩所至甘霖輒降邑人立

廟祀之廟即在墓前

按百里刺史歷官多善政今墓及神道碑尙存而廟祀莫爲修舉此亦弔古

者所歛嘯也

王百當墓在縣西北二十里唐王百當葬此

舊有神道碑

按百當為李密謀主後密歸唐復叛遂為盛彥師所執而百當以功名終是其智過邢公矣遺墓樵牧弗禁能無慨然

韓坵在縣東十五里世傳宋韓丞相墓

志遺其名史無可考

久廢無可考

韓馮妻息氏墓在縣東北二十五里青陵社韓馮妻息氏見執於康王不從

投臺下死韓馮亦自殺同葬此地

唐李商隱及近代弔息氏詩見後藝文志

按息氏塚雖相傳在青陵社而屢遭河患無可復考苟懷芳烈者過墟生哀則建祠數楹以慰貞魄似不可已也

完顏君用墓在縣北西吳村

舊有神道碑

按完顏氏係金宗姓君用以武功食邑於封故卒葬縣境今墓雖廢故碑尙存前志載此亦以表封俗之厚不因興廢爲成毀也

漏澤園在縣邑厲壇後

義塚舊縣西有二南門外有一計地十畝萬歷二年知縣胡以祚置萬歷四十年知縣張鯉復置義塚四一在三里莊一在劉光集一在荆隆口一在郭家莊皆立石碑界

以上義塚皆河決後蕩然莫辨今議選高阜處另置數區以澤枯骨

夫人形生不過百年而媵節媿名則歷千百世而不朽舍陵墓將奚識哉古志士仁人義夫烈婦貞魂沉於斷隴正氣宿於河山令人瞻墟起敬式墓興思慷慨悲歎恨不能起泉壤而親炙之陵墓胡可泯也至窮魂旅魄時或暴

骨原野亦未免有虧至仁預頡天和故惠政矜卹下逮髑髏乃體物不遺之深恩也

按封土濱河平衍世受水患卽故家大族其先世坵隴恆不能盡識矧數千年陵谷滄桑之後衣冠中絕典祀無人而欲死士之壠永禁芻蕘貞女之塋弗替汎掃此實難耳夫茫茫原隰金石銷沉易世之後將園陵坏土有不可復問者矣唯志其人復志其地則九京可作猶尙論者所考衷也至於漏澤數區非高阜遠河之地不足永安暴骨是尤在好德者共圖之耳